

խանեց Յ. Քաջագնունին. «Մեր պետութիւնը, ասաց նա, ի միջի այլոց, կոչուած է ո՛չ թէ հայկական, այլ Հայաստանի Հանրապետութիւն: Այդ ցոյց է տալիս, որ մեր պետութիւնը հայրենիք է նրա մէջ ապրող բոլոր ժողովուրդների համար»:

Հանդէսը տեւեց մինչև ուշ գիշեր:

Յաջորդ օր սկսեցին պետական աշխատանքները: Կառավարութիւնը հայրենի հողի վրա անցաւ գործի:

\*

Իսկ գործ շատ կար: Վերից վար պէտք էր կառուցանել պետական մեքենան: Երկիրը կատարեալ քաօսի և անիշխանութեան մէջ էր — պէտք էր կարգ ու օրէնք հաստատել: Գաղթականութիւնը սնունդ ու բնակարան էր պահանջում — պէտք էր տալ: Պէտք էր կարգադրել պարենաւորման ու դրամական հարցերը: Սահմանների վրա ընդհարումներ էին տեղի ունենում, մահմետական խոռվութիւնները երկրում չէին վերացած խսպառ — պէտք էր հաշտութիւնը գործնականացնել արտաքին ու ներքին թշնամու հետ: Մի խօսքով, պէտք էր ոչնչից պետութիւն ստեղծել:

Եւ Թիֆլիսից եկած գործիչները Երևանում գտնուողների հետ համերաշխ և համախորհուրդ՝ լծեցին աշխատանքի:

Թիֆլիսի և Երևանի Ազգ. Խորհուրդների մի շարք խառն նիստերում վերջնական ձև ստացան Ազգ. Խորհուրդն ու կառավարութիւնը: Որոշեց, հակառակ ժողովրդականների քէլի, եռապատկել Ազգ. Խորհրդի անդամների թիւը և հրաւիրել այլազգիների՝ թուրքերի, եգիպտացիների ու ռուսների ներկայացուցիչներին: Այս ձևով կազմեց Հայաստանի առաջին օրէնսդրական մարմինը՝ Հայաստանի Խորհուրդ անունով:

Կառավարութեան կազմը պահեց նոյնը, ինչ որ նշանակւած էր Թիֆլիսում: Քիչ յետոյ հրաւիրեց միայն մի նոր նախարար արդարադատութեան համար՝ տեղական անկուսակցական գործիչներից մէկը՝ Գ. Պետրոսեանը:

Հաստատեց Հայաստանի ազգային դրօշակը՝ հորիզոնական կարմիր, կապոյտ ու նարնջի գոյներով: Դրօշակի ձևի և գոյների շուրջ եղան բաւական երկար խորհրդակցութիւններ. ի նկատի առնեցին հայոց պատմական դրօշակները, լսեց հայկաբան Ստ. Մալխասեանի հիմնաւորւած գեկուցումը հայկական դրօշակի մասին և, ի վերջոյ, որոշեց ընդունել վերոյիշեալ երեք գոյները՝ պայմանով, որ վերջնական հաստատումը կատարւի Սահմանադիր ժողովի կողմից, որը պէտք է գումարէր Հայաստանի երկու հատուածների միացումից յետոյ:

Ի՞նչ բովանդակութիւն կամ խորհուրդ էր դրում այդ գոյների կամ դրօշակի ամբողջութեան մէջ:

Առանձին պատգամաւորներ իրենց մտքում ունէին, անշուշտ, որոշ բացատրութիւն, ոմանք ճառով էլ արտայայտեցին, բայց Հայ. Խորհուրդը